

SAN MARTIN

Dilan dles ofertes

- en recort dl defunt Sepl Trebo deTor da: fam. Adalrich Dasser, Alfur, Albina Palfrader, fam. Herbert Videsott, Angelo Kaneider, fam. Ottilia Pedevilla y da Irene, Eduard y Carla Zingerle (por la capela da Bioch).

En dedemesaledema, ai 26 de jügn, dales 17.00 inant vëgnel sié la cortina, chi che á dlaurela é bel peria da gní a daidé. Sc'al é bur tēp vëgnel sié la jöbia.

Chi che ó lascé sö na fossa bele denanche la conzesciun tomes, mëss ti al comuniché (aladö dl regolamēt, pröma plata jödape) ala presidēta o a valgügn dla comisciun, denanche lascé tó demez la zorga y la crusc. Sön la scafa jö apé de dljia él copies dl regolamēt por la cortina, sce valgügn ne l'ess nia ciamó.

Festa dl Cör de Gejú: Sce le tēp n'ess nia da ester mal, mo impó malsigü, podessun tigní la prozesciun dan mëssa por ne rové nia sot la plöia. Porchël vëgnel bel perié, eventualmēter, da ester arjgná da pié ia cun la prozesciun dales 9.30, scenó é la Mëssa dales 9.30, y da bel tēp, deda la prozesciun.

Ordin dla prozesciun dl Cör de Gejú:

Crist – Scholars *cun le Bambin y Santa Tarejia*

Jogn: *bandira, confarun, statua dl Agno Custode*

Ëi: *cunfarun, ëi da Mirí porta le Cör de Gejú*

Stödafüch: *bandira y S. Florian – Musiga – Cor de dljia*

Mituns y mitans dla pröma comuniun, sorvidus: *confaruns*

Prou cun la Mostranza, *cil y linternes*

Jones: *bandira, plomac, statua de Santa Maria, statua de S. Notburga*

Ëres: *confarun, statua de Sant'Anna, ëres cun le guant da paur, bandira, ëres dal guant da zacan, ëres dal diendl, les atres ëres.*

LUNGIARÜ

Dër bel dilan a chi che á intratant paie ite le contribut dla cöra. Chi che ne l'ess nia ciamó paie ite, pó paie i 20 euro por porsona, tuc fora i scholars y studēnc, diretamēter pro la Cassa Raiffeisen da San Martin, sön le cunt intesté a: Parrocchia Longiarü: Iban: IT 63K 08010 58830 000304004931

I ti dijun de cör dilan a chës tröpes porsones che é gnüdes a lavé la dljia!!

I sëis düc dër bel invia al Concert dl grup PINZIMONIO VOCALE cun Gudrun Mayrl - sopran, Irene Clara - mezosopran, Elisabeth Fistill - alt, Renzo Huber - tenor, Raimund Pitscheider – bas. Ai portará dant cianties dl tēp incër le 1500 do le dit dl imparadú Maximilian I: „Tëgn mosöra y pēnsa ala fin“ en sabeda, ai 29 de jügn, dales 20.00, tla dljia da San Martin



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

23.06. – 30.06.19 nr. 30

ultimo termo por comunicaziuns: jöbia dales 20.00

radio: 90,40 / 93,70

FESTA DLES ANTLÉS - C

Vangele do Lüca 11b-17

Gejú ti â respognü ai dodesc: Dedi os val' da mangé!

Ai à dit: I n'ün nia, ater co cin' pans y dui pësc;

i messésson naöta jì nos instësc a ti cumpré da mangé a döta chësta jënt.

Al ê incër cin' mile ëi. Al ti à respognü a sü discepu:

Dijedi, ch'ai dess se senté adöm te gröms da cincanta.

I discepu à fat éi ch'al ti à dit,

y à ciarè che düc se sentass.

Gejú deperpo à tut i cin' pans

y i dui pësc, à ciarè sö a cil,

i à benedì y i à rumpì;

spo ti ai àl dè ai discepu,

ch'ai i partiss fora ala jënt.

Y düc à mangé y é gnüs pasciüs.

Do ch'an â albü coiü adöm

i toé de pan avanzà, n'ël dodesc cëscé.



L'esperienza che la jënt â fat pro la multiplicaziun di pans ó nes condüje al'ultima cëna de Gejú y a ci ch'al sozed t'l'Eucaristia: Trasformaziun!

Trasformada, bunamēter, ê incë chë jënt jüda a ciasa,

de chëra che le vangele da incö cunta.

Deach'ai â odü n miraco, nia deache Gejú ess albü striné adalerch pan,

mo deach'al ê sozedü le miraco che sozed sc'al vëgn partí.

Chë jënt â fat n'esperienza de comunité y en comunité.

Pan che trasformëia!

En la festa Dles Antlés festejunse l'Eucaristia.

Gejú nes dá se instës, trasformé, por spëisa.

Insciö gnunse ince nos instësc trasformá.

Chël che reciöi y tol sö Gejú Crist mangian so corp,

ne resta nia le medemo ch'al ê denant,

mo se lascia trasformé da d'ël.

	SAN MARTIN	LUNGIARÜ	
23.06.19 FESTA DLES ANTLÉS - C	7.45 Corona eucaristica 8.15 Mëssa solëna dla Comunité dedô Adoraziun	9.00 Corona 9.30 Mëssa solëna dla Comunité Prozesciun eucaristica cun dui vangeli 15.00 Corona tla capela de S. Ujöp Fr.	
24.06.19 Lönesc Nadé de San Jan Batista			
25.06.19 Dedolönesc Eleonora, Max	19.30 Mëssa dl ann + + Giuvani y Maria Verginer, Chessl dl ann + Rosalia Chizzali Ploner		I jun cun Gejú Crist fora por trus y plazes. I ne ti dun nia ma pëis a ci ch’i mostrun deforaía, mo i le fajun cun cör y interiorité. I ne fajun nia d’ater co festejë y mostré nosta fede. Trus, strades y plazes ê i posc olache Gejú rodâ incërch, al ê so daciassa, le post de süa vita da vigni de. 
26.06.19 Mercui Vigile da Trënt		7.30 Mëssa de reng. fam. Isidoro Clara, Toch dl ann + Franz Clara, Mone	
27.06.19 Jöbia Hemma da Gurk, Ziril	7.30 Mëssa + Rita Penazzi + Giovanni Tavella Corona por vocaziuns		
28.06.19 Vëndres Cör de Gejú	19.00 Adoraziun chîta y confesciuns 19.30 Adoraziun al Cör de Gejú	7.30 Mëssa dl ann + Agostin Daporta	
29.06.19 Sabeda Cör de Maria Apostui Pire y Paul	15.30 Mëssa tla Ciasa de Palsa + Franz Clara 18.30 Mëssa prefestia + Sepl Trebo (dla Uniun) + Hermine Gasser Videsott + + Zingerle, Ghejenara 20.00 Conzert cun Pinzimonio Vocale	20.00 Mëssa prefestia + Heinrich Frenademetz	
30.06.19 FESTA DL CÖR DE GEJÚ Oferta a desposiziun dl Papa/ Peterspfennig	9.00 Ora d’adoraziun al Cör de Gejú 9.30 Mëssa solëna dla Comunité Prozesciun eucaristica cun dui vangeli y renov. alianza cun le Sacher Cör	7.55 Adoraziun, pröma pert 8.15 Mëssa solëna dla Comunité y renov. alianza cun le Sacher Cör dedô Adoraziun secunda pert 15.00 Corona tla capela de S. Ujöp Fr.	
Sabeda, 29 de jügn, Festa di Apostui San Pire y San Paul 7.30: Prozesciun da San Linert – sö La Crusc Dlijia da La Crusc 9.30: Mëssa en onur di Apostui 10.00: Ores d’Adoraziun por Vocaziuns 10-11: Badia: 11-12 Corvara/Calfosch; 12-13: La Val; 13-14: San Ciascian; 14-15: La Ila 15.00: Benedisciun y concluiun			

I jun olach'al ê laota y olach'al é ince incö bunamënter da ciafé y da incunté.